

Jorgè balios

Par Jorgènès bus jau balios,
Svetius sovadèna pri savès,
Jorgis alaus negailies,
Gerklès prasèplautè galies.

Jorgis šlipsa pasèrèša,
Vèina kuojè ka èr klèša,
Svetius jau prijiminie,
Aple anus šuokinie.

Gaspadènè, sokès gretā,
Če ne dīva, če ne žertā,
Jok ne jautè sogīliava,
Če svetelē sovažiava.

Biek ī svèrna, nešk arielkas!
Nešk šèn sūri ont torielkas,
Ne tik sūri, da kēlbese,
Zars ožgrajīs balabesa!

Svetius gèrdè, è pats gierè.
Jorgis jau nebeēštvierè,
Nieks nežèna, – ni šeimīna,
Ka ons gol jau ont porvīna.

Sosieds, beidams pru pat šali
Klausè: – kas tau tēp padarè?
Bènè genīs tau èkèrta,
Ka galvelè nebie tvèrta?

Jorgis akis krapštèniejè,
Tarsi smēltiu prèdolkiejè.
Žuodè jau nebèpasaka,
Gol apèntās šalèp taka.

Vuot bova balios – vèsè gèrtè,
Nieks nebžèn, kap èšsèskèrstè.
Kas – kap nomèi beparvīka,
A, patruopīt beparvīka.